

一調完開報某哨若干船某船梁頭若干闊身若干長捕盜某人兵夫若干內舵工繚旋招斗某人某人用某項器械某人某人分別明白冊報查考

行各道并各州縣

分督造船

提督軍門都御史塗爲軍務事據監軍道呈奉軍門令牌准總兵官李議造巨艦擊賊備行本道會同布按都三司議得海寇警急事出不時總鎮所議巨艦體式殊常若拘常調在省起造非惟板料大桅一時難辦抑且匠作官役一處難齊相應查照嘉靖三十

七年并浙直見行事例分派各州縣丁糧多者責造一隻其離海濱遠者則坐依山沿海小縣幫之一應用度俱支餉銀或令大戶或委在官員役篤造俱責成各掌印官親督限一月齊完聽用地方關係重大各官止須一月之勞地方可享無窮之福等因到院詳批據議動支餉銀分委成造則事易集而民不擾且有原行成規深得濟急之術也卽如議一面上緊估計一面督行各縣掌印官暫停縣事躬親督理或就該縣水次或帶匠料赴省各隨所便務在文到五

日之內興工一月之內完報軍情緊急不比泛常先完而堅固者功論第一次完而堅固者次之若愆期苟且依法治罪事完會集方便處所聽本院督同司道閱驗分別定奪

行廣東撫鎮

勦撫曾林机宜

提督軍門都御史塗爲軍務事案照近據福建按察司巡海道報稱廣東海賊曾一本大小船二百餘隻八月二十六日乘風突來玄鍾副將蔣伯清督駕兵船截殺衝沉并焚燒賊船六隻殺死賊衆一千餘徒

等因本院一面添調水陸官兵夾攻一面具本題請行廣東軍門督發官兵堵截外續據南路將領報稱賊知兵集卽於九月初六日退回廣東柘林澳拋泊又據軍門標下遊擊將軍張元勳報稱本月初十一日曾賊在廣東黃岡登岸本職督兵追殺焚燒大烏尾船五隻白艚船三隻見斬賊級并生擒連船燒死共計一千餘徒餘船退回潮州馬耳澳拋泊等因據此爲照閩廣地方相連海賊出此入彼嘉靖四十五年八月曾一本突犯玄鍾本省方集兵船攻勦彼

即遁回潮州。本院咨會兩廣軍門吳發兵協勦。隨准回稱寧照封疆為守。賊在廣則廣自任之。過閩然後閩任之等因。又准廣東總兵官湯克寬手本。開稱會一本面縛軍前請降。散黨安插。但慮閩中兵船越潮哨捕。驚疑反側之心。以壞招撫成功。煩行各將領知會等因。本院以此為信。諭令官兵各照封疆自守。是以賊雖迫近鄰境。亦不敢輕發一兵。越境行事。以伐其陵漸之謀。一則惟恐悖兩廣軍門畫疆之議。以取貪功之譏。此言深刺吳中招撫之失

借口之資。然當時已逆知曾賊猶詐決無可撫之理。亦曾備由咨行彼省前任軍門內言賊若在廣。閩人固不敢越境驚擾。萬一侵閩。則閩中必務窮追勦賊。決不肯因有前議而竟寢伐暴之師。文案具在。見有可查。今閩中篤守畫疆之說。兩年以來。添船治器。費逾十萬。既不能背初約以行助鄰之義。又不能銷賊念。以免侵突之虞。若仍以疆界為辭。則養寇殃民。地方終無寧日也。行師動眾。勢難久稽。聲罪致討。義不容罷。亦知貴院正有大舉之圖。閩中亦有協勦之奏。

然師老則財費時逾則寇遠是以二者俱不能待除

令各船官兵多帶糧餉尅期進追務在滅賊後已外

但聞林道乾見據鮐浦擁眾聚船亦尚未散而郭總

林賊與郭賊初不相能林賊在閩界無犯今閩中既破曾賊恐廣中疑欲圖林賊將別生事端故明

兵并海防道又方有招安之議正在成否之間今閩

言不宜驚動林賊也

兵一動必經鮐浦萬一林道乾自生疑畏稍有動搖

又恐鎮道復如湯總兵越潮驚撫以壞成功之說其

實道乾自聚黨下海實未嘗驚動閩中一草一木閩

中實不忍無故加之以兵以阻其向善之念且目見

在廣省求撫出於真心亦或有之機宜所在不得不

一先行知會爲此合行移咨廣東軍門熊煩請查照

督行沿海官兵如遇曾賊敗遁務要協力截剿以絕

兩省禍本仍行鎮道密察林道乾如果輸誠效順絕

無一毫懷疑之心責令整備部下見有船隻聽鎮道

衙門自擇一名位稍尊的當官督駕在前引導閩兵

在後進剿如或林道乾尚有比周之意未肯爲公出

更爲處置得宜

力亦令安心靜守原據堡港任隨閩兵水陸往來不

必輕易驚動閩人誓不肯爲乘釁以蹈不武之嫌若

彼誠僞不分不相體諒妄自動搖則大兵所至決不

容留後悔無及。

行惠潮海防道

越境追剿机宜

提督軍門都御史塗為軍務事照得本院見發水陸

越境行師事宜當載之以備考

官兵追剿廣賊百凡機宜須當議處周悉除在境內并水兵另行外所據陸兵越境監督安插等項合行處置為此案仰本道查照後開事宜預先密處停當候兵至施行毋得先發漏泄不便

一大兵征剿在閩巡海道在廣惠潮海防道各監督一應機宜俱與統兵參將協謀計議共成大功毋相

阻撓。

一眾兵行糧已行巡海道齋帶隨營支給但越境買米須惠潮海防道選委彼省能幹府縣官二員隨營聽巡海道給銀委買隨處給兵以杜紛冗。

一眾兵越境須惠潮海防道選委彼處巡捕官二員至於十里外引領前行曉諭地方居民毋得驚恐遇晚分派宿歇安插仍於兵行住宿去處諭令諸人迴避不許突入營伍以防奸細。

一眾兵越境須用嚮導惠潮海防道督令所在該縣

選撥伶俐諳曉路逕民快十名送統領叅將引路務要有身家之人取具保結在官如或誤事及透漏軍情連該縣官吏一併處治

一兵過去處但有溪澗江水惠潮海防道督令所在官司多調船隻聽候渡兵毋致稽誤

一兩省官兵互相策應但聞兵劄營不許廣兵私到營內窺探亦不許劄營相近如有公文報事止於營外報明辦驗的確方許喚入以防奸細違者各照軍法該道先行曉諭遵守

一軍前有招降旗如臨陣之際不到旗下拒敵官兵皆賊也並聽斬級論功如有妄稱被虜毀謗妬功者拏究

行巡海道并張元勳蔣伯清

防勦殘寇

提督軍門都御史塗為軍務事本月初三日申時據

叅將張元勳報稱殘賊結踪見泊宮前澳與玄鍾所

與窮寇相持難保萬

城止隔一山等因到院據此看得鷹隼之將擊也必

全塗公頗亦深心

斂其翼虎豹之將搏也必伏其威今此殘賊既不退避又不衝突此其設謀蓄慮為計必深蓋堅持有死

之心。冀僥萬一之倖。非欲得志於水。則欲求逞於陸。城池堡鎮。關係最重。戰哨船隻。需用正急。目今水兵屢捷驕惰。而副將蔣伯清亦有懈弛之心。陸兵每戰得勝。欺賊畏怯。亦恐因而疎怠。所當深戒。况梅嶺一帶。奸細尤多。或交通接濟。以洩軍情。或爲賊張皇。驚動地方。凡此皆兵家之所當慮。合行戒謹。爲此。牌仰本道。卽會總鎮衙門。并水陸將官。一面嚴督各縣衛所。掌印巡捕等官。督率軍兵。固守城池。勿分晴雨晝夜。務要登埤守望。不可須臾懈弛。一面諭令鄉村居民。嚴禁接濟。收斂米穀。牲畜。以絕賊資。一面選併大船精兵。率制賊勢。使不敢分踪遠掠。仍須總鎮嚴督舟師將領。加謹隄備。防其乘風乘夜襲犯之患。候兵將旣集。船器俱整。卽刻期進勦。以收蕩平之功。仍將陸兵分布要害。伏截戒諭各將領。時時警省。如敵在前。不可頃刻疎怠。多方誘殺。務期盡絕。勿致日久滋蔓。貽害地方。其餘機宜。難以遙度。遙制。俱聽便宜施行。

行叅將張元勳

防勦殘寇

提督軍門都御史塗爲軍務事據守備朱珏差人報稱勦殘曾賊零船復集大小五十七隻乘風突來玄鍾銅山之間本備誘殺斬獲數多餘船尚在往來目今並無一船在廣等因據此看得殘賊勢窮死鬪水路倚船爲靠陸路寸技無能若能計誘登岸伏而殺之必可盡數蕩滅爲此牌仰本官卽與巡海道計議查照本院節次牌劄將陸兵布劄沿海要害設伏仍設計誘賊登岸出奇勦殺并會水兵相機夾攻務使片甲不返早收全功以憑奏薦目今春汛倏臨毋得久持觀望以致滋蔓或悞春汛南路水陸皆本叅之責任不得推諉也

行監軍巡海等道

造船

提督軍門都御史塗爲軍務事十二月十一日准總兵李手本開稱原議巨艦底板定厚官尺三寸今龍溪縣所造止厚二寸無以敵賊之堅欲令拆改但工已垂成似難輕廢除行該縣加板一層實以油灰以爲夾底誠恐各縣皆然合請通行如式及查各寨戰船多用竹箬易爲火燃且收放不便今當以礬布爲

然亦擊雖厚亦欠堅固

裏外編以篾摺疊成扇。庶克有濟。合用手本轉行各縣一體遵照等因。准此。牌仰監軍分巡海興泉分守建寧福寧道。即便徑行各造巨艦。縣分掌印官親自閱驗。如見在打造者。底板務要官尺三寸。如已造成。底板不及官尺三寸者。即加板一層。實以油灰。以爲夾底。其船篷務照本鎮今議以礬布爲裏。外編以篾摺疊成扇。毋得仍用竹箬捲篷。致不堪用。悞事不便。

行福州兵備等道

選募駕船兵夫

提督軍門都御史塗爲軍務事。案准總兵官李手本議行各州縣掌印官督造巨艦一隻。聽調擊賊。查得分派腹裏縣分協造者。工程俱有次第。合用領駕捕兵。隨據監軍道議呈。隨縣隨船自募。誠爲便益。除批允外。但照選募。必得沿海慣水之人督募。須藉方面守巡之力。方可濟用。爲此牌仰福州兵備道。即將閩等十縣。共造巨艦七隻。并上杭縣巨艦一隻。照議每隻捕盜一名。舵工三名。兵夫人等二百二十名。八船共該一千七百六十名。分守建寧道。即將福寧州并

福安寧德二縣共造巨艦三隻，照議每隻捕盜一名，舵工三名，兵夫人等二百二十名。三船共該六百六十名。興泉道卽將晉江等七縣共造巨艦五隻，照議每隻捕盜一名，舵工三名，兵夫人等二百二十名。五船共該一千一百名。分守福寧道卽將莆仙二縣共造巨艦二隻，照議每隻捕盜一名，舵工三名，兵夫人等二百二十名。二船共該四百四十名。巡視海道卽將龍溪等縣共造巨艦四隻，照議每隻捕盜一名，舵工三名，兵夫人等二百二十名。四船共該八百八十

名。督行所屬沿海各縣掌印官，用心查訪。素○用○官○兵○不○如○海○民○此○關○廣○舟○師○之○要○策○也○故○詳○載有勇力身家服衆之人，以禮召取，立爲捕盜委領。巨艦就令

該縣支發餉銀，督令本捕領銀選募。素所親信，慣水舵工二百二十人爲一船，不拘縣分地方。止要諳熟水戰意氣相投者，俱聽收用。該道仍須暫輟別務，親臨邊海縣分，坐守督募，不得轉委別官，致生騷擾。且無實用。募完閱驗明白，照例犒賞給糧，發船聽調。應支錢糧俱於該縣餉銀徑自支用。事完類報註銷。先將募過捕兵姓名籍貫造冊報查，大抵直藉該道十

日半月之勞。可與八閩萬姓之安。切勿謂本院以俗務相免也。如或應用知兵武官。兼同編閱。聽該道自擇相應官員。係方面則指名呈詳定奪。係守備而下。則徑自委用。

行福州兵備道

選募益丁

提督軍門都御史塗爲軍務事。照得南征船隻工完。在卽而募兵一節。本院已行各道督行各縣掌印官。禮。召。有。身。家。服。衆。之。人。立。爲。捕。盜。給。銀。領。募。其。法。已。但恐各縣官一時難以知人。或致遲誤。近會巡按

福建監察御史王議稱。海上擊賊。往年浙直皆用益。徒。成。功。閩。中。必。有。其。人。隨。該。本。院。訪。得。福。清。長。樂。各。灣。陳。顯。達。等。俱。有。身。家。忠。勇。服。衆。素。能。號。召。益。丁。堪。以。取。用。爲。此。牌。仰。本。道。會。同。監。軍。道。卽。行。福。清。長。樂。二。縣。掌。印。官。照。牌。事。理。動。支。餉。銀。各。辦。花。紅。五。副。每。副。銀。花。二。枝。共。重。一。兩。六。錢。銀。牌。二。面。共。重。二。兩。紅。綠。絹。表。裏。一。對。三。項。約。用。銀。六。兩。之。數。差。委。各。該。縣。典。史。或。巡。檢。河。泊。官。員。齎。至。該。道。驗。明。給。與。印。信。牌。面。照。依。開。去。姓。名。分。委。各。官。前。去。聘。取。到。道。面。審。後。

給與銀兩。聽其自募素所親信丁夫編成隊伍赴省。該道會同知兵方面武職閱驗犒賞給銀。候令發船調用。庶頭領得人。而兵衆易集。召募有法。而地方不擾。

行巡海道

計處降人

提督軍門都御史塗爲軍務事。照得盜賊之惡。罪在不赦。中間甘心合夥者。因爲真盜。至于被虜。脇從不得已而爲者。若能輸誠歸順。卽皆吾民。必須加意安插。以廣來降之路。以散盜賊之黨。近准總兵官李手

本開送曾一本夥來降人吳甫榮到院。轉發監軍道

審稱投降情真。合發漳州府審解。巡海道照依涂禮

事例送總鎮標下報效等因。已批依擬行去後。今訪

得該府未知本意。收置于獄。不無沮來降者之心。合

行查處。爲此牌仰本道。卽便弔取吳甫榮到道。一面

徑給與報效哨官名色信票。仍給賞青絹玉色絹衣

一套。外官銀五兩。聽其自辦衣糧。以爲輸誠歸順之

勸。仍照涂禮事例。送鎮軍門報效。造支哨官名糧。候

有建功一體叙錄。

行監軍各道

造船

提督軍門都御史塗爲軍務事。據南平縣知縣陳嘉謨揭稱。督造巨艦船身槓具俱完。擇於本月十五日。出港聽驗。及查訪往年出使琉球大船。打造鐵葉。長短計一十三度。共鐵條四十餘隻。從艦通至兩艖包訖。費旣不多。船更堅固等因。據此。看得鐵葉包船。原行未及開具。知縣陳嘉謨。乃能留心經理。擴充原議之所未及。其任事誠篤。幹濟精敏。可知。除類行叙薦外。相應通行爲此。牌仰監軍分巡福州興泉巡海分

守。福建寧道。即便行令各造巨艦州縣掌印官。徑自酌量。如果有舊式可行。即便各照南平縣議式。打造鐵葉。從艦至艖。包裹堅固。以便衝擊。如或以船身堅壯。事在可緩。不妨從實具報。師期在邇。切毋借口稽延。大抵此事。卽開洋一二日內。亦可立辦者。便宜酌議行止可也。

行巡海等道

船桅

提督軍門都御史塗爲軍務事。照得各州縣製造巨艦。陸續告完。惟合用大桅。間有申請欲行幫接。本院

因未經見。難以主裁。節會各鎮道多方采訪。有稱往年封夷大船。用桅長至十七八丈者。大抵亦用幫接。今巨艦大桅。必須與船相稱。若拘執一根成材。恐難尋覓。致悞師期。爲此牌仰巡海分巡福州興泉分守福寧武平建寧道。速查州縣巨艦大桅。除有合式堪用外。如或稍短尺寸者。作急調取沿海慣造大船老練匠頭。備細詢訪。若果經見可用幫接。卽聽如法整辦。務要多用鐵箍攢束。十分堅牢。利便應用。如海風高大。不堪幫接。必須多方尋取。毋得苟簡抵搪。致悞大事。惟在該道酌而行之。

行巡海監軍道并二總鎮

防賊

提督軍門都御史塗。爲哨探鄰省賊情事。本月初四日酉時。據叅將張元勳飛報。廣賊曾一本。招得倭船四隻。合鯨。三月二十七日。盡數開上馬耳灣。切近玄詔。本處鄉村土堡。多不堅固。人復玩寇。不肯早避。乞行嚴督地方居民。堅壁清野。勿爲賊資。若土堡人民。度能守得五七日者。則守以待兵應援。度不能守。則入城暫避等因。據此。看得曾賊招倭北上。意在窺閩。

目今南風間作。誠恐乘機衝突。必須十分謹備。為此牌仰巡海監軍道。速會總鎮衙門。嚴督水陸將領。日夜遠明哨探。用心防備。并所屬軍衛有司。加謹城守。禁絕接濟。仍諭鄉村居民。收歛防避。其月港各色兵船。務要拋泊得所。可戰可守。倘遇警急。卽會廣東兵船。犄角夾勦。掃蕩之功。在此一舉。不可疎怠。致誤大計。

行巡海道并裨將

禁止督船

提督軍門都御史塗爲軍務事。訪得上年南征兵船。

各文武官員。輒差旗牌中軍武生舍人丁健等役。坐駕各船。名爲督陣報效。所差人役。不能體心。挾勢需求。冒奪功級。甚至占據一船。臨陣不進。任情毀譽。顛倒是非。多用一人。則多一人。爭功多一船。退縮甚爲大弊。卽今會勦舟師。已該本院會同鎮道議編。每裨將管把總二員。每把總管哨官四員。每哨官管捕盜四名。節節有制。且總鎮統督親征。兩院委官隨船。紀察各兵之勇怯功罪。衡鑑莫遁。與上年事體迥異。恐各衙門仍襲舊套。差人督船。復蹈前弊。合行禁止。爲

此牌仰巡海道卽行三營裨將轉行本部把總哨官捕盜。體遵照。但係原派本船哨隊兵夫丁役有名在冊者。聽其在船協力殺賊報功。此外若有各衙門差人名爲督陣報效等項名色。俱卽發回。不許一人在船生事。若總哨捕盜違令容留。查出重究革役。各差人等縱有斬獲之功。船冊無名。亦不准錄。

行巡海興泉二道

議定賞格

提督軍門都御史塗爲議定賞格以勵衆心事。照得真賊曾一本。出入閩廣。奉旨夾勦。兩省兵船大集。

浯嶼本院親臨舟營。會同兩省二總鎮及巡海興泉各道將巨艦福龍等船逐一閱驗。船隻堅大器械齊備。官兵壯勇。隨照各道會議事理。動支餉銀。不分閩廣。主客官兵一例賞犒。以示大同合一之義。將士踴躍爭先。滅賊有期。其分布之法。閩兵原派三大營。廣兵原派二大營。平時灣泊。隨省隨營。開駕日時。輪先輪後。在二鎮俱有刊刻軍令。給示將士遵行。臨敵之際。或賊衆齊衝。則兩兵齊進。不分彼此。或賊開兩翼分來。或賊作兩番迭肄。則兩省官兵分合竒正。俱

聽二總鎮同心相機調度。不宜遙制。至於滅賊功次。兩省大將裨將。當一體同論。以上事體。俱無容再議外。但攻戰之力。多賴兵士。總哨而下。人人希望陞賞。乃肯竭力用命。然船隻不無先後。人心不無勇怯。非惟今日兩省數百艘為然。在昔一省一軍之勢。亦所不免。若不預為差別。則勇者急於衝鋒。而不暇取級。怯者遷延隨後。而撈斬返多。不惟賞賚不明。無以使日後之心服。抑或激勸無別。返以啓目前之觀望。是一體之法。本欲求同。而其流之弊。適以致異也。事干

軍機。合行議定。以勵衆心。為此案仰巡海道。即便會同興泉道。再會二總鎮。細加酌議。兵船臨敵。擒斬賊自會一本。并斬獲賊從級者。為上功。若止擒賊首。而斬獲賊從少者。作何等第。其或奮勇先登。衝鋒破敵。而功級反少。或退縮居後。因人成事。而功級反多者。作何分別。又或一省之船。先將賊船勦滅。收獲全功。滋故欲先定而一省之船。在後未至。作何論叙。又或賊分兩艘。官

兩省兩帥必致爭功到船先後議論煩

兵分敵各獲功級者。作何等分。務要開款會議。停當具由詳奪。刊示兩省各船官兵。庶衆心知所激勸。而

奮勇齊一，蕩平可立見矣。

行巡海道

用毒成效

提督軍門都御史塗為盤獲賊犯事，據叅將張元勳

呈稱：盤獲被虜逃回一名林文惠，係詔安山南村人

塗公令，過澳民以接濟為名，暗置毒于其中，啖食

執稱賊被梅嶺五人將酒米鹽魚數船送去，賊船係

之而死，以多寡論賞

曾一本阿舅阿丈發與五船頭目領去，分與各賊食

訖。每船死有百十餘人，即將梅嶺五人割肉殺死，止

留一人未殺等情，為照前項用毒係軍門審計，令甲

職用之。因梅嶺人傅茂英及田文景之子曾蒙總兵

李差往賊船招撫，甲職密令把總錢助禮買米三十

石，酒二十罈，鹽魚五百斤，假托傅茂英順帶往船，換

買被虜小厮，今用毒已有效驗。傅茂英等緣此遇害

可憫等因，具呈到院。據此案照先該本院刑刻密示

沿海良民，但能於酒米魚肉中置毒毒死賊徒一船

者，賞銀千兩。今傅茂英等乃能仗義行計，雖毒賊不

多亦足致疑賊心，以疎接濟，且各獲因此喪身，誠可

憐憫，相應查恤。為此牌仰本道即便查訪傅茂英等

果否用計毒死賊徒，是實各役是否因此被害，若干

皇明經世文編卷之三百五十六

郡人

陳子龍臥子 宋徵璧尚木

纂輯

周立勳勒卣

彭

賓燕又

曾孫徐孚遠闇公校

徐司寇奏疏

疏

徐陟

奏為懇乞 天恩酌時事備法紀以善臣民以

贊 聖治事

公此疏在大法小廉而疏後幅尤倦港干小民真仁
臣一介草茅眇無知識荷蒙 聖恩拔植濫厠留都

人之言哉
三法司之末感激遭際莫罄名言臣自任今職以來
歷審一應罪囚習見人情日流於放逸國典未見
其欽遵事關職守不容隱默輒敢昧死爲我皇上
陳之

計開

一竊盜軍舍餘下臣查軍舍餘丁凡竊盜止問罪而
免刺字三犯則與民三竊者一體處絞此輩偷盜之
罪旣不少貸之於先三犯之絞又不未減之於後止
是中間免刺一節與民不同蓋國初見軍官軍人

等身在行陣萬死一生以立戰功故以此優之推而
及於餘丁人等亦免刺耳今之軍人偷生冗食非
國初之比甚矣軍官軍吏總小旗將軍力士校尉勇
士猶有職役可守名目稍優是以稍知畏懼不敢多
犯若軍人正餘厨匠舍餘人等顧以不刺爲例謂得
掩飾轉相效尤畧無警畏視民十死八九實爲長奸
臣愚以爲此輩旣不爲宥罪矣又何必獨免其刺以
翼之趨而教之偷乎今請著爲定例與民犯一體刺
字俾得其平如遇征調巡捕等項稍有微功者准與

告官起除使知自新庶作其勇

一詐欺取財貪黷不止臣惟見行律法小民小臣犯

贓分尅亦必追問入官給主蓋彼于上無法而無所

畏憚故也宜其知所懲禁矣而有屢犯不悛者豈無

自哉比犯贓私臣於審錄時每見犯該追贓罪囚輒

與僚屬嘆論邸報所傳巡撫總督等官被人指摘贓

私累至數十萬朝廷大法僅行于下而不行於上

往往止于降調重者不過閑住爲民若充軍則十一

矣追贓者蓋萬一耳是累犯贓之徒少者罪反重而

宜嚴多者罪反輕而宜縱乎此其故不可言也夫天

下之財皆民之膏血朝廷之財也向來督撫在外

或以兵餉或以加派或以勸借或以酷刑或以訪拿

或以紙贖或公行取討或虛價勒買或因事受財或

侵盜庫藏百計攘奪于軍尅削于民爲神人共憤及

被論劾獨得偏廢追贓之法降調者仍享富貴退黜

者亦以富終其身及于子孫易足以示戒是以官民

效尤屢犯不止此不當盡法以立之防乎或謂言官

風聞未必皆實臣愚以爲一人之言容或有風聞之

說然亦未必舉他事卽無誤而言人之賍私卽有誤也又時當舉劾之會以臺諫數人之耳目訪以旬月之久所講求亦既詳且盡矣所言賍私果百無一實乎縱使虛情相叅亦當行令各該巡按御史勘實追取不當只以降調等項塞白臣又聞之各處巡撫總督提調等官賍盜以前二十年之間爲甚必須申嚴律例凡大小臣工被論賍私勘實與民一體立限嚴追仍盡官吏受財本法追奪併議中外諸臣庇貪欺罔者之罪以杜奸黨其二十年之間江浙福廣南北

正穎等處腹裏及各邊關一應督撫等官不拘在任在家遷轉聽勘回籍等項但有賍私狼籍形蹟顯著者亦必須吏部都察院同兩京科道從公會議糾劾逐一追賍解部以充邊儲以雪郡忿用寬民力或賜民租其追賍未完者催完未勘者催勘欺庇黨護者必罪庶足以爲天下臣民詐欺貪黷者之戒如此而後國法庶幾其少伸也

一侵換給主賍物臣等因審南京兵馬某人而知其然弊亦不止于此有等入官賍私干係違禁民間所

不敢用、變賣無主者、收貯各衙門庫內、日久駐吏、併
監守人役抵換、及致踈虞損失、誠有可惜、又有各處
變賣贓物、往往通同賤估、尅換、及將賣價、匿入私囊、
不濟公用、臣請定爲罪名、不拘在內在外、以克 朝
廷犒賞之用、仍要犯人招出、餽送違例物件之人、及
行令科道訪實奏 聞處治、出者受者之罪、其民間
可變賣者、悉應陸續變價造冊送部、以充邊儲、不得
容畱在干各衙門、致令似前埋沒、失所、巡按御史滿
日、將已未變賣會否送部奏報、如因循故違、及換給

主贓物者、分別治罪、追賠以警奸貪、

一恐嚇取財屢犯者、臣查得律法、凡恐赫取人財物、

計贓准竊盜論、加一等免刺、南京棍徒等項、犯此者

已經刑部問擬、送 臣等審回發落訖、但此法初不專

爲小民設也、大小職官吏書人等、有犯亦當以此施

之、夫何向來法制、但施于民而不加于官、是以官吏

肆志百計嚇取、小民畏威、曲忍敢怒、而不敢言也、致

如某國公某近年、因發遣軍犯、先自詐取、送與財物、

勒添至數千兩而後止、夫官民贓物、只當供 朝廷

之用、各衙門豈宜乘機嚇取、是與朝廷爭財、罪狀非細、臣請定爲罪例、凡此等衣冠、惡嚇大盜、務盡本法、併官吏受財、追奪之法、同僚及吏書人等、俱得一體舉首、如有不行覺查舉首、及通同作弊者、或被他人告發、或被科道論劾、與犯人一體治罪、

一奸民違法、臣惟投獻詭寄、及夥計等項之弊、南京士民、往往有之、近來天下府州縣、凡奸民之田、詭寄於官戶者、亦甚衆矣、小民或以十分之四五、當十分之差、或以十分之六七、當十分之差、而此輩安然、

享富實、則包庇者廣耳、不立之法、以障狂瀾、則田產將盡歸巨室、而小民之戶田稀矣、皇上容復望有當差之民耶、小民若之何、而可存活也、伏望皇上

亟念民隱、斷自宸衷、特降德音、令法司衙門、會同戶部酌議大小職官等項、濫受投獻、詭寄夥計、一應之罪、以蘇積困、以廣我皇上愛養元元之意、若有自首者、姑免其罪、其田聽與小民一體當差、悉將黃白二冊改正、如有不首、及本戶似前喻利、不肯當差者、許里甲人等據實舉首、治以應得之罪、仍將其田

入官收租送部以充邊儲所司明知故縱者併治以罪則小民庶乎可少存萬一矣

一宦家網利臣查律法官豪勢要之人乘船經過關

津不服盤驗者杖一百此蓋謂各衙門自恃官勢強越關津者耳關津乃衆人共行之處不服盤驗非越分生事之比況以有官者尚坐前罪至於運河乃專爲糧運而設驛遞官船亦是借行況私船裝載客貨者可橫行其間而無忌乎近來官宦家人假充弟男子姪名色撐駕官民船隻滿裝貨物所至商販漁獵

民財憑籍官勢而奸惡聚衆欺打餘船橫行河道阻遏糧軍擾害地方毆逐閘埧官吏毀罵軍民人等無所不至甚非禮法必須分別等第定爲罪例今後不拘官民宦家弟男子姪等項但有撐駕貨船仍前生事攪擾運河及一應河道者不分有無違禁貨物許所在地方各色官民人等徑自捉送所在官司將犯人治以重罪船隻貨物盡行入官變賣送部濟邊其捉送之人若無利賴必不肯任怨行事仍須照依匿稅律法於入官內將十分之三充賞以鼓其趨文武

職官縱容家屬生事應叅寃者叅寃應提問者提問所在官司如或徇情故縱撫按官一體訪查以罷軟論斥庶豪惡知警

一熱審恩例臣三遇熱審之期每切仰見我皇上好生之仁萬物一體無彼此厚薄但地有遠近而數有多寡向來北京罪犯德音甫降卽沾恩澤計期至六月中止常兩月有餘南京路遠三千里必俟文書到日始爲減免亦以六月終爲限比之北京沾恩每少一月之數南北之民皆朝廷赤子皇上之施

行亦非不欲均平也地勢阻之耳然地不可縮而法則可以隨在而宜之況南方暑熱六七月之間正熾若不爲之議處不幾于重虛皇上之恩而徒使畱都人民仰望之懸懸乎臣請今後以不定之日數議爲定例北京自恩命渙頒之日筭至六月終止凡若干日南京合無不拘六月終之限以文書到日爲始亦令筭足北京日數俾得齊沾聖澤庶乎加惠畱都重地之民矣


一死罪孕婦臣查婦人犯死罪懷孕者產後百日行

刑蓋立法之意以行法在百日之內則其所生子女不得乳哺必致喪失故爲此限誠不忍以一罪而傷二命又計本婦所生百日之外有翁姑父母兄弟等項至親設法代哺尚可全辜故也臣常尋問送審干証諸人探知死罪孕婦但有出孤貧遺腹別無翁姑父母兄弟等項至親依靠者則其百日之後將何所歸又況幼小無人收買必至遺棄此不至併殺之已乎我皇上體天地好生之德北京每歲秋後三覆奏重罪死囚動以寬恩緩死感賴再生大造此

男何辜因母之故孤寡無依而併喪其生耶古人啓蟄不殺方長不折著爲美談于物且然況此幼孩業已成人不爲立法曲全不幾于梗 皇仁而傷元氣乎臣請爲定例以補律之未著今後凡死罪孕婦如有親人可以付托所生者俱依本律施行若遇前項無夫及無親人可托者合無審究明實真的寬限年月待所生子女可以自行乞丐然後行刑庶可保全幼孩之生其或假此欺弊奪治罪如此將見我皇上無疆之澤覃敷于無告孱類而律法之本意斯全

矣伏乞 聖裁

以表



其夫又無賤人可賦清介無審武即濟其
 沐賤人何以於其視主清其利本特說并其
 乎且請慈家回以前事之未善公發引以
 日其人不能立去曲全不樂于財 皇二十
 體不難其員不能普為美結于財且然此
 畏何事困母之姑所寢無對而并與其主
 事古人



國家圖書館, NATIONAL CENTRAL LIBRARY, TAIWAN, R.O.C.

皇明經世文編卷之三百五十七

華亭

陳子龍卧子

宋徵璧尚木

選輯

徐孚遠闇公

李待問存我

許清胤价夫叅閱

龐中丞摘稿

奏議

龐尚鵬

題爲釐宿弊以均賦役事

均民灶徭役

切惟民間大患莫甚於賦役之不均賦役不均實由於優免之太濫臣自祇役以來卽議立十段錦之法

國家圖書館 NATIONAL CENTRAL LIBRARY, TAIWAN, R.O.C.

通行各府州縣查將十甲內丁糧除四甲已經編過外未編六甲通融均作六段分定六年凡官吏舉監生員軍竈匠丁係例應優免者即將應免之數開列冊前如或各甲內俱有丁糧止從一甲內優免其餘免剩者挨造入冊與民一體編差已經見諸施行外惟於竈戶尚有詭寄冒濫之弊臣巡歷所至士民舉蹙額而相告皆曰竈戶自優免外應與民一體當差然有司官又以其藉口辦課為詞止將銀差量派全無力差甚至所免之數反倍蓰於所納鹽斤故姦民

避重就輕者往往寄竈戶名下致使民差愈重殊為不均等情臣就經案行各府查議去後今據杭紹等府議稱民為邦本所係鹽乃國課所資近議優免

太濫以恤民艱重邦本也國初優免竈丁以防逃

散裕國課也然二者有持衡之勢此重則彼輕若

非酌均平之法以齊一之安能使民竈兩便蓋國

初立法竈戶辦鹽上場候商支領積貯之久有消耗

賠補之苦故每一大丁優免田百畝近時各場鹽課

銀兩准辦鹽其法不同

俱已奉例改徵折銀每一大丁歲納課銀一兩八錢

大丁外止以實徵小丁納銀之數爲主。如一錢者免田五畝五分五釐零，其餘二錢三錢，以致六七錢者亦朋足一兩八錢之數，准作一大丁，亦俱免田百畝。夫以一竈丁，每年止納課一兩八錢，而免田已至百畝，若依民間所轄里甲均徭，并各項均需差務論之，每一畝歲該用銀五分，總計前田百畝，共得免銀五兩，比之所納課銀多餘三兩二錢，此外免剩之田，又止量派輕省銀差，是果所免倍於所輸。况竈戶完課有終歲之樂，百姓雜差無息肩之時，故人皆樂於趨

竈。巧於避民，或借義男名色，或假贅婿緣由。人本非竈也，而或捏認爲子，戶本無田也，而或冒收於人。受寄之弊，旣滋，編民之差愈重。且如往年優免，止據在冊竈丁，以免其田，初非以田准丁而槩免之也。自有倭患之後，祇因一二鹽場具告竈丁傷耗，始許有田之竈，以五十畝准爲一丁，辦納鹽課，仍照舊規優免。致未經倭患鹽場紛紛比例，此詭寄之弊，所以日深。而民竈之不均，職此故也。及查竈戶之中，其豪富者，出辦課銀爲力甚輕，而濫免避差，獲利甚厚，且專灘

蕩巨利私置竹盤任力煎煮任情給賣而於一切有利處所或占為田或占為庄漫無紀極此富者所以日富也其貧弱竈戶業無片田蕩無寸沙既無別項規利不免照丁納課催征之急不至賣鬻逃亡未已也蓋由竈丁例不分戶其田皆總收戶長名下如優免則論丁而有丁無田者徒有納課之苦不受優免之賜若非裒多益寡以田助丁通融辦課非惟民竈蓋論田不論丁自此而始也有不均之弊雖竈戶之中貧富苦樂亦自有不均者矣此誠閭閻疾苦所關所當亟為釐正為今之計如

今江蘇民稅亦并丁糧于田則

竈戶大丁免田百畝原經題奉 欽依因難別議若

夫免剩餘田與民一體審編力役此則於情法為兩

全於民竈無偏倚等因各到臣據此查得見行事例

各場竈戶每一大丁免田百畝此以其在場有熬波

汲海之勞候商有消耗虧賠之苦而 國課賴以供

輸 卹典因之獨厚議者復恐民差妨其煎辦又云

免剩餘田止許量派輕省銀差不許因以重大力役

殊不知優免之惠徒能利於殷富不能及於貧難夫

貧者身親在場供辦則又無田可免其有田堪免者

多係掛名竈籍之人。若本戶既果有田百畝以上。則辦課本不爲難。煎鹽之役。自有家人任之。雖應力差。豈足爲累。况近年議徵鹽價。已非往日之難。如引鹽。則聽商人自相支買。如蕩地。悉與竈戶分派收租。既無煎辦之勞。又無賠耗之苦。以商人買鹽。則有厚價。以照丁優免。則有定規。夫以優免之利如此。以致姦豪之徒。巧僞百出。在竈丁既利優免之多。每受寄富民之田。在富民亦利徭役之輕。多諛寄竈戶之籍。今試以優免之厚薄。較辦課之多寡言之。如紹興府三

江曹娥錢清西興石堰等鹽場。共計有五計竈丁二萬九千七百餘名口。以三江一場例之。則計團三千有四。計丁四千五百三十有奇。鹽課計兩不踰二千八百。而所免之田。計畝則一十五萬五千五百有奇。卽三江一場。而他場可知。計紹興一府。而他府亦可推矣。又以詭寄之端。與濫免之實言之。如台州府所報臨海等縣。有如一戶係絕竈。不辦鹽。明是丁盡戶存。却又帶有民田塗田。與夫山地各若干。遇編差役。有司既免其丁。復免其田。免外又止派輕省銀差。又